

ԶԵԿՈՒՑԱԳԻՐ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ
ՍԱՐԶԻ ՍՈՒՍԱԼՆՈՒ ԳՅՈՒՂԱԿԱՆ ՀԱՄԱՅՆՔԻ ՂԵԿԱՎԱՐԻ
2011թ. ԿԻՍԱՍՅԱԿԻ
ԳՈՐԾՈՒՆԵՈՒԹՅԱՆ ՎԵՐԱԲԵՐՅԱԼ**

Մուսալեռի գյուղապետարանը իր աշխատանքային գործունեությունը կազմակերպել է ղեկավարվելով «Տեղական ինքնակառավարման մասին» ՀՀ օրենքի պահանջներով: Ըստ բնագավառների իրականացվել են հետևյալ աշխատանքները

Քաղաքացիների իրավունքների պաշտպանության բնագավառում

Կատարել է քաղաքացիների ընդունելություն, օրենքով սահմանված կարգով քննության է առել քաղաքացիների առաջարկությունները, դիմումները և բողոքները և ձեռնարկել է համապատասխան միջոցներ:

Միջոցներ է ձեռնարկել պաշտպանելու համայնքի բնակիչների ու տնտեսվարող սուբյեկտների իրավունքները և օրինական շահերը:

Նոտարական գրասենյակում, անձնագրային բաժնում, կադաստրի Կադարչապատի տարածքային ստորաբաժանումում բազմիցս հանդես է եկել համայնքի բնակիչների օրինական շահերը պաշտպանելու նպատակով:

Հրավիրել և վարել է Մուսալեռի գյուղական համայնքի ավագանու թիվ 8 նիստ:

Արձակել է 32 կարգադրություն, ընդունել է 25 որոշում: Տրվել է 454 տեղեկանք: Ելից գրությունների թիվը կազմում է 114, մտից գրությունների թիվը՝ 90:

Ֆինանսների բնագավառում

Օրենքով սահմանված կարգով կազմակերպել է գույքահարկի՝ շինություններ 539 200դրամ /1-ին կիսամյակի պլանային ցուցանիշը 1 250 000դրամ/, փոխադրամիջոցներ 1 245 000 դրամ /1-ին կիսամյակի պլանային ցուցանիշը 3 000 000դրամ/, հողի հարկի՝ 2 091 800 դրամ /1-ին կիսամյակի պլանային ցուցանիշը 3 250 000դրամ/, տեղական տուրքերի՝ 99 800 դրամ /1-ին կիսամյակի 311 000 դրամ/

**Կոմունալ տնտեսության
և բարեկարգման բնագավառում**

Վերահսկողություն է իրականացվել համայնքի տարածքում աղբահանության աշխատանքները պատշաճ մակարդակով կատարելու համար: Աղբահանությունը կատարվում է համայնքի թվով 15 փողոցներում, յուրաքանչյուր փողոցում 4 կանգառ, շաբաթական 2 անգամ: Պարբերաբար կատարվում է գյուղապետարանի, մանկապարտեզի, դպրոցի տարածքների Նաիրի փողոցի մաքրման և բարեկարգման աշխատանքներ: Կատարվել է Անի թաղամասի կոյուղագծի մաքրում

**Համայնքի ղեկավարի գործնությունը առևտրի և սպասարկման
բնագավառում**

Համայնքի ղեկավարի կողմից տրվել է ոգելից խմիչքների, ծխախոտի, վառելիքաքսայուղային նյութերի վաճառքի թույլտվություն:

Հանրային, կենցաղային ծառայությունների ոլորտում հսկողություն է իրականացվել:

**Առողջապահության,
ֆիզիկական կուլտուրայի և սպորտի բնագավառում**

Նպաստում է համայնքում ֆիզիկական կուլտուրայի և սպորտի զարգացմանը: Կազմակերպվել է միջհամայնքային ֆուտբոլի խաղային մրցույթներ: Պարբերաբար տարվում են ֆուտբոլի խաղահրապարակի մաքրման և պահպանման աշխատանքներ:

**Կրթության, մշակույթի և
երիտասարդության հետ տարվող աշխատանքների բնագավառում**

Համայնքի ուսանողների համար ձեռք է բերվել Երևանի քաղաքապետարանի պատանի հանդիսատեսի թատրոնի <Էլիզա> ներկայացման տոմսեր /30 հատ/:

Հայաստանի Հանրապետության Արմավիրի մարզի Մուսալեռի գյուղական
Համայնքի ղեկավարի հաշվետու ժողովի

2011 թվականի հուլիսի 13-ին ժամը 15-ին Հայաստանի Հանրապետության
Արմավիրի մարզի Մուսալեռի գյուղապետարանում տեղի ունեցավ համայնքի ղեկավարի
հաշվետու ժողով:

Ժողովին ներկա էին Հայաստանի Հանրապետության Արմավիրի մարզպետարանի
աշխատակազմի գյուղատնտեսության և բնապահպանության վարչության
բնապահպանության բաժնի աշխատակիցներ Սանասար Բաղդասարյանը և Վարդան
Միրզախանյանը, Մուսալեռի գյուղապետարանի աշխատակիցները, համայնքի
ավագանու անդամները և համայնքի թվով 10 բնակիչներ:

Համայնքի բնակիչները համայնքի ղեկավարին հղեցին իրենց հուզող հարցերը:

Առավել մեծ են բողոքները կապված ոռոգման ջրի խնդրի հետ, ինչի հետևանքով
գյուղատնտեսությամբ զբաղվելը գյուղացու համար դարձել է անեկամտաբեր և
նույնիսկ հարկ վճարելու հնարավորություն չի լինում:

Բնակիչները ցանկանում են, որպեսզի համայնքի բոլոր փողոցները ու
ճանապարհները լինեն բարեկարգ, ապահովված լինեն գիշերային լուսավորությամբ,
բոլոր բնակարանները լինեն գազաֆիկացված:

Համայնքի ղեկավարը ներկայացրեց 2011 թվականի 1-ին կիսամյակի
ընթացքում կատարված աշխատանքները, խոսեց հետագա ծրագրերի մասին,
պատասխանեց համայնքի բնակիչների հուզող հարցերին:

Նա հայտնեց, որ գյուղապետարանի համար նույնպես առաջնահերթ են
համարվում այն աշխատանքների իրագործումը, ինչպիսիք են խմելու ջրագծերի
անցկացումը, փողոցների և ճանապարհների բարեկարգումը:

Կբարելավվի համայնքի ֆինանսական վիճակը՝ եկամուտների հավաքագրման
մակարդակը բարձրացնելով: Կապահովվի համայնքի բնակիչների սոցիալական
պաշտպանվածությունը:

Հնարավորինս կնպաստի գյուղատնտեսության և անասնապահության
զարգացմանը: Ֆիզիկական կուլտուրայի և սպորտի զարգացմանն ուղղված միջոցառումներ
կկիրառվեն:

Աշխատակազմի քարտուղար
Գ. Մուսալեռ
13.07.2011թ.



Գ. Մարտիրոսյան